

# LIKLIK BOOK

Dispela liklik buk i stori long olsem wanem ol big nem animal na ol binatang i wok long go lus nau long kantri bilong yumi Papua New Guinea.

Sampela bilong ol dispela animal na binatang



insait long dispela liklik buk givim big nem long kantri PNG na tu ol i important tru long yumi ol man meri, bilong wanem ol igat piksa bilong ol long money (coin or toia) bilong PNG.


Dispela liklik buk em ol Parataxonomist i raitim na printim. Sapos yu laik kisim moa tingting o askim, rait long:

William Boen

The Parataxonomist Training Center

P.O. Box 604 Madang P.N.G.


Ph+fax 852 1587



## Stori bilong bataplai

Bataplai em ol binatang igat wing, naispela ol kala long wing bilong ol na ol i sawe laikim ol naispela flawa na dring sugar bilong ol. Taim em liklik yet, em sawe kaikai lip bilong wanpela rop bilong bik bus tru. Dispela rop ino sawe gro long nambaut long ol kainkain bus. Nau ol bik bus bilong yumi i wok long pinis na ol rop we dispela bataplai i sawe kaikai ino moa stap. Dispela bataplai klostu bai em i pinis long kantri bilong tasol lucky tru kaikai bilong dispela bataplai ibin gro long Oro Province, Popondeta olsem na dispela bataplai i stap laip yet. Sapos ol ino lukautim gut kaikai bilong em, ating em bai hangre na dai. Ol displea binatang i laikim tumas bus long stap laip. Ol pikini tingting gut pastaim na wokim samting. Nogut yu kilim laip bilong yumi tupela yet olsem ol binatang?

## Laip stori bilong dispela ol bataplai



Ol bataplai i stap liklik, ol i luk olsem ol liklik snek antap na ol igat maus bilong kaikai lip diwai. Na taim em i gro bikpela em i nogat maus bilong kaikai tasol, em igat wanpela paip long maus bilong pulim wara bilong flawa.

- a. Meri bataplai i putim kiau antap long rop.
- b. Kiau bilong bataplai.
- c. Snek bilong bataplai i bruk nau tasol long kiau.
- d. Liklik snek i gro bikpela olgeta.
- e. Bikpela snek i malolo long rausim skin
- f. Em rausim pinis na redy long bruk na kamap nupela bataplai.